

12

ARCHIEPISCOPATUS CAMERACENSIS DESCRPTIO.



*An Came-
ra sum sit
Caesaris Sa-
marobrina.*

Ameracum Galliae Belgicae inter Sequanam & Rhenum urbs, arce & moeniorum ambitu adeo munita est, ut una ex primariis istius Provinciae urbibus habeatur. Ad quam magnificentiam priusquam nostris temporibus excresceret, maximas difficultates, & varios fortunae casus experita fuit. Et id quidem ea occasione, quod nobilissimae Belgarum Provinciae, multis retro seculis, semper in summo precio sint habitae: eaque de causa Principes, Reges, populi que plurimi de earum principatu & dominio obtinendo, summis conatibus contenderunt. Situs etiam opportunitas Gallum illexit, ut huic potissimum insidiaretur. Vetus Samarobrina putatur, ubi Caesar totius Romani exercitus nervum, obsides civitatum, literasque publicas, frumenta & res cariores, tanquam in firmo tutoque loco collocare solebat. Geropius Becanus, in artificiosis conjecturis, quas in suis Originum libris explicat, communi multorum sententiae, ut solet, reluctatur, existimantium Cameracum esse Caesaris & veterum Samarobrinarum, cum à Bellovaco plus, quam triplo amplius absit, quam viginti millibus passuum. Haecenus sane Bellovacum, viginti quinque, id est totidem millibus passuum, quot Caesar annotavit, ab Ambiano est remotum, ita ut nihil dubitem (ait Becanus) Ambianum Samarobrinarum Ambianorum esse. Qui contrariam opinionem defendunt, non ineptum sententiae suae defensorem Hubertum Leodium allegant. Quoniam (inquit ille) audiam quam plurimos, de Samarobrina, subdubitare & vereri, ne non sit Imperialis illa, & vere amœna civitas, quam Cameracum hodie dicunt, errare eos vehementer, & nullum aliud oppidum esse confirmandum est. Primum non me movet Ptolemæus, qui Samarobrinarum civitatem Ambianorum facit: nam etsi civitas Ambianorum Samarobrina fuerit, non propterea sequitur, Samarobrinarum esse Ambianum oppidum, Gallice Amiens. Potuerunt enim Ambiani alia quoque habuisse oppida, quorum Ptolemæus non meminerit, nihilominus tamen Ambiani, id est, Amiens, non usque adeo tum magnum oppidum, uti nunc est, ut veteres muri docent. Sic etiam idem Ptolemæus civitatem

Gallia.

Rhemorum Durocotorum & Caesaromagum Bellovacorum appellat. Cum ea tempestate & Rhemi & Bellovaci, sicut hodie, oppida erant & gentis caput. Item, Sueffones, & gentis & oppidi nomen est. Habuerunt autem sub se Sueffones duodecim oppida, ut libro secundo scribit Caesar, quorum Bibrax unum, hodie Braine, quatuor mill. Gallicis à Sueffonibus, Comitatus titulo decoratum; & item Noviodunum, Noyon: Bellovacorum vero Bratuspantium erat oppidum. Quare nihil agunt, qui Samarobrinarum Ambianos esse putant. Cum autem Caesar esset Samarobrinarum, id est, Cameraci, ut nunc vocant, & certior esset factus de oppugnatione castrorum Ciceronis in Nervii, misit nuncium statim in Bellovacos ad M. Crassum, cuius hyberna aberant ab eo millia passuum viginti quinque. Vbi notandum, Bellovacorum urbem paulo amplius distare à Samarobrina, sed hyberna Crassi, non in ipsa urbe Bellovacorum, sed in eorum finibus aliqua parte fuisse, ita, ut dimensio non obstat. Alterum nuncium etiam in Æssuos ad C. Fabium misit, ut in Attrebatium fines legionem adduceret, qua sibi iter faciendum sciebat. Erant Æssui, qui circa oppidum Aet habitant, quod superiores Germani Aes vocant. Fabius autem ut imperatum erat, non ita multum moratus in itinere, cum legione occurrit, quod omnino faciendum ex Æssuis in Attrebates ire volenti. Ad Labienum item ut veniret in fines Nerviorum scripserat, si reipublicae causa & commodo facere posset. M. Crassum Samarobrinarum praefecit. Post liberatum Ciceronem legiones circa Samarobrinarum retinuit. Et profecto commodiorem locum habere non poterat. Neque enim putet quisquam urbem Cameracensem novam esse, aut intra paucos annos in tantam amplitudinem excrevisse. Est certe nobilis illa Samarobrina, de qua ad Trebatium scribit Cicero: Vna collocutio nostra pluris erit, quam omnes Samarobrinarum. Et in alia Epistola: O praeclara castra! quid tu fecisses, si te Tarentum, & non Samarobrinarum misissem. Et quodnam amplius dubium esse poterit, quum nomen ipsum indicet, quod quaerimus. Cambray Galli, Itali vero Samberey dicunt, vide quam facile Samarobrinarum inde fecerint. Si ex Amiens faciunt Ambianos, ex Beauvais Bellovacos, quid vetat, ex Samberey Samarobrinarum fieri.

Est autem situm Cameracum sub longitudinis quidem grad. 21, min. 16. latitudinis vero grad. 50. min. 18, ad Scaldim flumen, quod mediam